

# Ang mga Kabulahanan [The Beatitudes]

<p><b>Mateo 5:3; 3 Nephi 12:3</b></p>	<p>Ang mahimong kabus sa espiritu nagpasabut nga magpaubos ug “ang pag-ila sa mapasalamatong paagi sa [atong] pagdepende diha sa Ginoo—ang pagsabut nga [kita] kanunay nanginahanglan sa liyang suporta. Ang pagkamapainubsanon mao ang pag-ila nga ang [atong] mga talento ug mga abilidad mga gasa gikan sa Dios” (<i>Matinud-anon sa Tinuhoan: Usa ka Pakisayran sa Ebanghelyo</i> [2004], 142).</p>
<p><b>Mateo 5:4</b></p>	<p>Ang pagmasulub-on mao ang pagbati o pagpakita og kasub-anan. Ang tawo mahimong magmasulub-on tungod sa mga kalisdanan ug mga pagsulay sa mortalidad, apil ang kamatayon sa mga minahal. Sa samang paagi, ang tawo mahimo usab nga magmasulub-on tungod sa kasub-anan alang sa sala.</p>
<p><b>Mateo 5:5</b></p>	<p>“Ang pagkamapuanguron [maaghu] sumala sa Webster’s Dictionary, mao ang ‘pagpakita og pasensya ug pagkamainantuson: moagwanta og sakit nga walay kasuko’ [<i>Webster’s Third New International Dictionary</i> (1976) ‘meek,’ 1403]. Ang pagkamapuanguron dili kahuyang. Tsapa kini sa Kristohanong kaisug” (Robert D. Hales, “Kristohanong Kaisug: Ang Bugti sa Pagkadisipulo,” <i>Ensign o Liahona</i>, Nob. 2008, 73).</p>
<p><b>Mateo 5:6; 3 Nephi 12:6</b></p>	<p>Ang uhawon ug gutumon sa pagkamatarung nagpasabut og dakong tinguha nga masayud ug mobuhat sa kabubut-on sa Dios.</p>
<p><b>Mateo 5:7</b></p>	<p>“Ang kalooy mao ang mapuangurong pagtagad sa usa ka tawo labaw pa kay sa unsay angay” (“Mercy,” Gospel Topics, <a href="https://www.lds.org/topics">lds.org/topics</a>). Nakadawat kita og kalooy sa Langitnong Amahan tungod sa Pag-ula ni Jesukristo (tan-awa sa Alma 33:11).</p>
<p><b>Mateo 5:8</b></p>	<p>“Ang mga maputli og kasingkasing mao kadtong nahigugma sa Ginoo, kinsa nagtinguha nga mosunod Kaniya ug motuman sa liyang mga sugo, kinsa naningkamot nga magpuyo og mahiyason nga kinabuhi ug matinud-anong molahutay hangtud sa katapusan. Ang mga maputli og kasingkasing mao kadtong mokontrolar sa ilang hunahuna aron mapabiling gawasnong ang ilang kaugalingon sa imoral nga mga pantasya ug mga binuhatan” (Sheldon F. Child, “Words of Jesus: Chastity,” <i>Ensign</i>, Ene. 2003, 44).</p>
<p><b>Mateo 5:9</b></p>	<p>“[Ang pagbuhat og kadaitan] mao ang gasa sa pagtabang sa mga tawo sa pag-ila kon unsay komon kanila sa higayon nga ang uban nagtan-aw sa mga kalainan” (Henry B. Eyring, “Pagkat-on diha sa Priesthood,” <i>Ensign o Liahona</i>, Mayo 2011, 63).</p>
<p><b>Mateo 5:10–12</b></p>	<p>Ang “ginalutos tungod sa pagkamatarung” nagpasabut nga andam nga motuman ug manalipod kang Jesukristo ug sa liyang mga pagtulun-an, bisan kon pagatamayon og maltratuhon kita sa pagbuhat sa ingon.</p>

